

Суббота, 5 июль 1941 ар
№ 54 (865)
11-тй АРЗЭ ПОТЭ.
Дуныз: толзълы 45 коп.

УДАРНИК

ВКП(б)-лэн М-Пургинской
Райкомезлэн но Райсоветлэн
органы.
(Адрес: с. М-Пурга, УАССР)

Обороналы Государственной Комитет кылдытон

Чрезвычайной положение кылдэмен сэрэн но асьме родинамы вылэ тушмонлэн вероломной нападениезлы пезьдэт сётыны СССР-ысь калык'ёслэсь вань кужым'ёссэс жог мобилизовать карон понна, СССР-лэн Верховной Советэзлэн Президиумез, ВКП(б)-лэн Центральной Комитетэз но СССР-лэн Народной Комиссар'ёсызлэн Советсы кулэен лыд'язы:

1. Кылдыгыны Обороналы Государственной Комитет таңе составен:

- И. В. Сталин** эш (Председатель)
- В. М. Молотов** эш (Председательлэн заместителез)
- К. Е. Ворошилов** эш
- Г. М. Маленков** эш
- Л. П. Берия** эш.

2. Государствоын быдэсак властез огазеяны Обороналы Государственной Комитетэзлэн кияз.

3. Ваньзэ граждан'ёсты но вань партийной, советской, комсомольской но военной орган'ёсты обязать кароно беспрекословно быдэ'яны Обороналы Государственной Комитетэзлэсь решениез но распоряжениез.

СССР-лэн Верховной Советэзлэн Президиумезлэн Председателез М. И. КАЛИНИН.
СССР-лэн Совнаркомезлэн Председателез но ВКП(б)-лэн ЦК-езлэн Секретарез И. В. СТАЛИН.

Москва, Кремль. 30 июне 1941 арын.

СССР-лэн Совнаркомэз

Противовоздушной обороналы калыкез всеобщей обязательной дасян сярэсь

Гражданской калыкез противовоздушной но противохимической обороналы дасян понна, озы ик МПВО-лэсь первичной формированиосэ (саможашгалэсь группаосэ) организовать карон но дасян понна, СССР-лэн Народной Комиссар'ёсызлэн Советсы пуктыз: Противовоздушной но противохимической обороналы 16 аресысен 60 аресозь вань мййы калыкез всеобщей обязательной дасянуоно.

Валэнтон: тямь аресысен 16 аресозь пинал ёсты воздушной нападение дыр'я индивидуальной защиталэн средствоосыныз пользоваться карыны дышетано.

Дышетано: рабочийёсты но служащийёсты—ужан интыязы, дышеткисьёсты—дышетон интыын, мукет'ёсэ граждан'ёсты—улон интыязы.

Тупатано, что граждан'ёс—нылкышноос 18 арескырт 50 аресозь но пиосмурт'ёс 16 арескысен 60 аресозь — предприятиосын, учреждениосын но улон коркаосын МПВО-лэн самозащитаезлэн группаосаз участвовать каронэ одно кутыско.

МПВО-лэн самозащитаезлэн группаосаз одно участвовать каронлэсь мозмытиско:

а) висемен но сьсырмемен сэрэн трудоспособностьсэс огдырлы ыштэм мурт'ёс—тазалыксэс йьданыны кулэ луись дыр чожели;

б) трудлэн но войналэн инвалид'ёсыз;

в) секытэн нылкышноос нылпи ваемзылэсь азыло 35 нунал но нылпи ваемзы бере 28 нунал чожели;

г) нылкышноос, куд'ёсызлэн тямь аресозь нылпиоссы вань.

Валэнтон: предприятиосын но учреждениосын ужась граждан'ёс таин чошик кызы ке ужан интыязы, озы ик улон интыязы самозащиталэн группаосаз луыны быгато но уже кутиско самозащиталэн союз группаыз, кытын луозы воздушной тревогалэсь сигналзэ сётон дыр'я.

„Готов противовоздушной и противохимической обороне“ нормаос'я калыкез, самозащиталэсь инструктор'ёссэ но мукет личной составзэ улон коркаосын дасянез сётоно Осоавиахим вылэ, нош самозащиталэсь группаосэс дышетыны материально обеспечить каронэ но соослы специальной имущество тырмыт сётонэз—трудящийёслэн депутат'ёсылэн городской, районной совет'ёсылэн исполком'ёсы вылэ возложит кароно.

Предприятиосын но учреждениосын самозащиталэсь группаосэ дасянез сётоно та предприятиослэн но учреждениослэн кивалтисьёсы вылэ, нош самозащиталэсь группаосэ дышетонэз материально обеспечить но оснащать каронэз—соответствующой наркомат'ёс но ведомствоос вылэ.

МПВО-лэн самозащитаезлэсь группаосэ организовать каронэз СССР-лэн НКВД-ез вылэ сётоно (местной ПВО-лэн Главной Управлениез).

Противовоздушной но противохимической обороналы калыкез дасян порядок, самозащиталэсь группаосэ организовать карон но та группаосы граждан'ёсты кыскон порядок тупатиско Союзной Республикаслэн Народной Комиссар'ёсылэн Совет'ёсынызы.

Тушмон

быдтэмын луоз

(3 июле ортчэм митингысь)

Обороналы Государственной Комитетэзлэн председателезлэн И. В. Сталин эшлэн Советской Союзсы вань трудящийёсты странаез защитат каронэ султыны ёгыса радио пыр выступлениезлы сязьса районной центрысь трудящийёслэн митингы ортчиз.

Митингын участвовать каризы 300 муртлэсь но ятыр, и ваньмыз выразит каризы асьсэлэсь гитлеровской фашизмлы бад'ым йыркурзэс. Г. Т. Блинков эш митингысен вераз: „Царской правительство дыр'я трудящийся калык'ёс асьсэлы шудо но шулдыр улон кылдытон сярэсь, шара вераны дйсьтэтэк, асьсэ пушказы гинэ малпаса улизы. 1917 арын коммунистической партилэн кивалтэм улсаз чигтэмын вал жылыос но быдтэмын вир юысь царь.“

Гражданской война дыр'я капитализмен нюр'ясконэ кисьтэмын вал данак вир. Но со кисьтэм вир юнме ёз луы, капиталист'ёс ыштйзы одйг короназэс. Вир юысь Г и т л е р номыре шоры учкытэк асьмелэн необ'ятной странама вылэ войнаен лыктэ. Таяз жугиськовын капиталист'ёс ыштозы троссэ коронаосты. Уз кылды гитлеровской бандит'ёслы асьмелэсь шудо улонмес тйяны. Зуч калык кужмо но котьмалы способной.

Мед мынозы гитлеровской бандит'ёс финской нюлэсэ но нюре, отын луоз соослэн шайзы“. Блинков эш трос лыд'ем калык'ёслэсь мылкыдзэс огазеяса вераз, что предприятиосысь, колхоз'ёсысь, учреждениосысь калык'ёс асьсэлэн участок'ёсазы тыршыса ужаменызы юрттозы Красной Армилы, Военно-Морской но Воздушной Флоты, юнматозы тылэз, и озы тйи жогомытозы тушмонэз жоггес быдтонэз.

Врач Смирнова эш ётиз аслаз выступлениезы ваньзэ трудящийёсты гитлеровской бандит'ёслы пумит нюр'ясконэ султыны. „Асьмелы ваньмылы,—вераз со,—тыршыса ужано асьмелэн ужан участкамы. Мон, ас ужде быдэ'яме сяна, колхоз'ёсы мыныса удалтэм юн-нянез октыны-калтыны юртто, нош кулэ ке луиз киям винтовка кутыса фронтэ мыно“.

Митинглэн кутэм резолюцияез ёте районсытымы вань трудящийёсты султыны тушмонлы пумит нюр'ясконэ, тыршыса ужаны аслаз участкад.



Умой но юн дасясыкы красноармеец'ёслэн радазы султыны.

В. Ивановлэн суредэз.

„Искусство“ издательстволэн поттэм плакатэз вылысь. (ТАСС-лэн Фотоэз.)

Советской Информбюролэсь (Жыт ивортон)

3 июле асьмелэн войскоосмы **Двинской, Минской но Тарнопольской** направлениосын противниклэн бад'ымэсь мотомеханизированной частьёсызлы пумит кужмо жугиськон'ёс нуизы.

Противник котьку но котькытын пумиськылэ асьме войскоосмылэн кужмо пумит'яскон'ёсынызы, артиллерилэн губительной тылыныз но Советской авиаци и л э н сокрушительной удар'ёсыныз.

Жугиськонлэн полеяз кылэ сюрс'ёсын вием немец'ёс, противниклэн жуась танк'ёсыз но уськыт'ям самолет'ёсыз.

Двинской направлениын нунал чоже кужмо жугиськон'ёс мынйзы **Запад-Двина** шурлэн рубежаз, нимысытыз упорнось но кужмоесь жугиськон'ёс мынйзы Якобштадт но Двинск район'ёсын.

Противник отчы вылэ резерв'ёссэ ваем бере гинэ солы кылдйз Якобштадт но Двинск дортй Западной Двина шурлэн уйпал ярдураз переправа лэстыны, отын вылысь кужмоесь жугиськон'ёс кутскизы.

Минской направлениын

асьме войскоосмылэн кужмо пумит'яськеменызы противник бад'ымэсь ыштон'ёс нуиз.

Тушмон уг чида асьме войскоосмылэн штыковой удар'ёсылы.

Нунал чоже кужмоесь жугиськон'ёс мынйзы Березина шур дурын, отын асьме войскоосмылэн пехоталэн, танк'ёслэн, артиллериялэн но авиацилэн огазеям кужымзылэн удар'ёсызлэсь противник туж бад'ымэсь ыштон'ёс нуэ.

Бойёсысь адскиз, что противниклэн танк'ёсыз асьмелэн секыт но шоро-куспо танк'ёсынымы боевой столкновениеилэсь пегало, н о ш отын, кытчы пото асьмелэн истребительёсмы, омырын жугиськон господство туж жог выже асьме истребительёсмы пала.

Бобруйской но Тарнопольской направлениосын Западной Двина шуретй переправа дыр'я асьме авиация быдэс нунал противниклэн мотомеханизированной частьёсызлы удар'ёс лэстылыз.

Омырын жугиськон'ёслэн результат'ёсыз уточнятыся кариско.

И в о р т о н

Туэ, 6 июле 4чкна 10 часым, нимысытыз важной вопрос'я, ВКП(б) райкомлэн пленумез люкаське.

Пленуме одно ик лыктоно луо ВКП(б) райкомлэн член'ёсыз но первичной парторганизациослэн секретар'ёсысы.

ВКП(б) райном.

П А Р Т И Й Н О Й У Л О Н

Коммунист'ёслэн производ-
ствоын авангардной рользы

Гожнинской МТС-ысь первичной партийной организации коммунист'ёс отчетно-выборной партсобраниян юн критиковать каризы секретарез ляб ужамез понна но сётыллы да нах умоесь предложениос.

Собраниясем коммунист'ёс трос вераськызы агитационно-массовой уез но марксистско-ленинской теориен овладевать каронез умоятон сярысь. Озы ик верамын вал коммунист'ёсын партийной поручениосты быдэс'ян сярысь но мукет.

Первичной парторганизация коммунист'ёслэсь критиказэс но чектон'ёссэс лэдэ басьтыса, ВКП(б)-лэн 18-тй Всесоюзной партконференциезлэн решениезлэн соответствииез'я аслэсьтыз ужэз чутрак умойтэз. Кыларьсь, тракторист'ёс пöлын агитационно-массовой уж трослы умоятэмын. Озы ик умояз партийной поручениосты сёт'ян но соосты быдэс'ян.

1940 арын гужем вылтй тракторной бригадаосын 36 номер гинэ бордгазет поттэмын вал, нош туэ ни 61 номер бордгазет поттэмын. Тракторной бригадаосын систематически производственной совещавиос, газет'ёсты но журнал'ёсты шара лэдзон'ёс ортчыт'ясько но мукет.

Агит-массовой уез умой пунктэмен паськыт вöлмиз тракторист'ёс пöлын социалистической вөрөвование, будо стахановец'ёс. Та ды-

ре МТС-ын 27 мурт тракторист'ёс-стахановец'ёс. Соос ваньзы социалистической трудлэсь образец'ёссэсь возыматыса ужало.

ВКП(б)-лэн 18-тй Всесоюзной партконференциезлэсь решениез быдэс'яса первичной парторганизация производстволы матэ кариськызы но производстволэн техникаяз виикнуть кариз.

Коммунист'ёс производстволы валт'ясы инты басьтыса ужало. Тани ВКП(б) членлэн Ураков эшлэн бригадаез арлы тупатэм ужан планзэ 50 процентлэсь ятырлы быдэст'ясы ни. Умой ужало ВКП(б) членэ кандидат'ёс Зиновьев, Михайлов, Дмитриев эш'ёс. Быдэсак МТС-я тулыс ю кизён плам быдэстэмын 100 процентлы. Шöдскымон умойт'ясы ужэз директорлэн расчет'ёс'я заместителез Тюрюмкин но старший агроном Дерендяев эш'ёс.

Первичной парторганизациян ужаз бадзым тырмытэез вань. Коммунист'ёс „ВКП(б)-лэн Историезлэсь Краткой курсэ“ лябгытэс изучать каро, асэсэлэсь тодонлыкэс жутыны уг тыршо.

Гожнинской МТС-ысь первичной парторганизациялы отчетно-выборной партсобраниялэсь решениосэ быдэстыны понна трос лэсьтоно на. Коммунист'ёслы та ужын активной участие кутано.

Т. Веретенников.

Отчетно-выборной
собраниялэсь
решениез
быдэс'яно

Милям первичной парторганизациян отчетно-выборной партсобраниялэн орчмез дырысен 2 толэзь ортчиз инн. Нош отчетно-выборной партсобраниян коммунист'ёсын лэсьтэм предложениос партийной организациян тырмыт реализоваться уг карисько на.

Коммунист'ёсты марксистско-ленинской воспитать карон ужын кöня ке азинскон'ёс вань ни. Орчмыт'ясько ВКП(б) член'ёсын но кандидат'ёсын „ВКП(б)-лэн Историезлэн Краткой курсэз“ собеседованиос. Но ваньмыз со тырмымон бөвл на. Марксизмлэн Ленинизмлэн основаосыныз овладеть карон сярысь ВКП(б)-лэсь уставзэ данакез коммунист'ёс уг быдэсто. Коммунист'ёс И. Кузнецов, М. Котельников, П. Шамшурин тодонлыкэс будэтон бордын ляб ужало.

Отчетно-выборной партсобраниялэн решениосыз одно ик быдэстэмын луыны кулэ. Тае тодыса ужано луо Кечевской МТС-ысь первичной партийной организации котыкудыз коммунист'ёс.

М. Мерзляков, Кечевской МТС-ысь первичной партийной организациялэн секретарез.

Зернохранилищеосын дезинфекция ортчытоно

Вылй урожай бастон зависеть каре агротехнической правилоослэсь быдэс комплексэ быдэс'ям бордысь. Асьме азын туж бадзымез уж'ёс сыло. Та дыре сюлмаськыса утялтоно кизем юосты но зечлыкко дасяськоно соосты октон-калтонлы.

Сыче ик бадзым инты бастэ юосты октон-калтон дырлы дасяськонын ю тысь возён склад'ёсты дасян но. Дасямтэ шакырес склад'ёсы кыстыса кидыс сёриське. Ю тырон бугроос урод луэмен кидыс'ёс сураськыны шедё, нош кудог дыре выжез пась луэмен выж улэ но вия.

Кидыс'ёсты умой утялтон понна нырысь ик вань склад'ёс, амбар'ёс тупат'ямын, жулжаглэсь, тузонлэсь чылкытатэмын луыны кулэ. Нимысьтыз саклык вис'яно кенос выж уллы, умой сузям бере отчы 2 сантиметр зöкта слоен гашенной известце пызымано.

Выж'ёсты нöдлэсь умой-умой чылкытатано. Миськоно сое пöсь пень вуэн но обеззараживать кароно ед-

кой натрлэн раствореныз, кудыз 10 литр вуэ 1,5 килограмм поныса лэсьтыське. Озы ик жаглэсь сузьяса возёно складлэсь котырзэ но.

Тае дасяськон ортчым бере вань зернохранилищеосын известково-керосиновой эмульсии яке едкой натрлэн раствореныз дезинфекция ортчытоно. Та возыматэм химикат'ёс бөвл дыр'я уже кутыны луэ хлорной известчез но. Известково-керосиновой смесь пазяны ке лэсьтыське 5 литр вулы одйг килограмм известце но 0,5 литр керосин бастыське. Едкий натрлэн растворез лэсьтыське 10 литр вуэ 1 килограмм яд поныса.

Хлорной известчезлэн растворез дасяське 10 литр вуэ 2 килограмм хлорной известце поныса. Тае растворез уже кутано 2 час кустын чоксам посудань возем бере гинэ. Дезинфекция орчымтэ бере соку ик зернохранилищеосы укиоосты, бс'ёсты чоксано но 25-30 час возёно.


Раствор'ёсты уже кутон нуналэ гинэ дасяно. Чуказеазлы кельтыны уг яра,

кема возыса соос кужымзэс ышто. Зернохранилищеослэн 1000 квадратной метрзылы примерной расход: керосин 40 килограмм, кысымтэ известце 80 кг., едкий натр 50 килограмм, хлорной известце 60 килограмм.

Обеззараженной зернохранилищеоз куастыно 3-4 сутка чөже. Отчы обеззараживать карымтэ тарез (ящик'ёе, бекчеос) пыртыны уг яра. Соосты сыче яд'ёсын ик обеззараживать кароно. Мешок'ёс, ын'ёс чылкытатэм, миськем бере шунды шорын куастэмын луыны кулэ, нош луондык'ёс вань дыр'я мунчонь прокалить кароно. Машинаослэсь но транспортлэсь пу локет'ёсэ быректэм вуэн пöсьвуано, нош корт локетэз керосинэз зустарен чушылоно.

Ядохимикат'ёсын ужаку чакласькыны кулэ. Едкий натрлэн растворез киез но дйськутэз раз'едать каре. Та дыр'я кулэ дйськы халат, очки но пöзь. Тазы ик ужано хлорной известце дезинфекция орчымтэку но, со сяна противогаз кулэ на.

П. Абалтусов, райзо лэн агрономез.



Омырьсь заграждение аэростат'ёс (Англия). ТАСС-лэн Фотоез.

Вань кужым'ёсты
фашизмен нюр'яськонэ!

Наглой гитлеровской фашистской банда асьмелэн социалистической родинамы вылэ войнаен лыктыса туртске асьмелэсь шудо, шулдыр улонмес тйяны. Уз кылды, ноку но уз кылды гитлеровской агрессор'ёслы социалистической муз'еме лёгиськыны. Юн возымало асьме необ'ятной родинамылэсь границаоссэ доблестной Рабоче-Крестьянской Красной Армия, Военно-Морской но Воздушной Красной Флот. Пазьгемын но быдтэмын луоз гитлеровской фашизм но солэн наглой бандаез.

Фашистской агрессор'ёсын жугиськыны, партилен но правительстволэн бтемзыя, РККА-лэн рад'ёсаз мынэм пиосмурт'ёсты бадзым осконэн вошто нылкышноос. Тани, Гожнинской МТС-ысь тракторист Гаврилов эш Советской границаосты защищать карыны мынйз, нош солэн кышчозез Гаврилова Елена ховяинэз-лэн интыяз, машинно-тракторной станциян ужаны мылкыд кариз.

Тракторен ужаны кутскизы колхозницаос Эльвинская, Пестерева но мукет'ёсы эш'ёс. Карпова эш трактористкае дышетске. Кузнецова эш штурвалнойн ужаны кариськыз. А. Медведева но Е. Абрамова эш'ёс учетчыкын ужаны мылкыд каризы.

Мöйнос егит'ёсты, РККА-лэн радаз мынйсьёсты, воштыны дасесь. Колхозник'ёс Л. Михайлов но Я. Александров эш'ёс учетчик'ёсын ужаны мылкыд каризы. Буденныйлэн нимыныз нимам колхозын армие мынэм бригадирзэс А. Коростелев эшез воштыз колхозница А. Кузьмина эш. Со аслаз бригадаеныз синмаськымон кивалтэ. Таеесэ факт'ёс районамы трос.

Ваньмыз та факт'ёс верало со сярысь, что асьмелэн котыкудыз трудящийёс, пиос'ёс но нылкышноос но котыкыче ужын, котыкыче сложной машинаосы, кивалтон ужын ужаны спо-

собноесь. И котыкудыз ик аслаз ужая востаз тыршыса уха социалистической родинаез, Рабоче-Крестьянской Красной Армияез, Военно-Морской но Воздушной Флотэз юнматон понна. Ваньмызлэн ик трудящийёслэн мылкыды одйг-гитлеровской фашизмез пазьгон но сое пумозяз быдтон. И со луоз лэсьтэмын.

* * *

Районысьтымы трудящийёс, гитлеровской фашизмлы бадзым йыркурен, Советской правительстволэн аслаз постад тыршыса ужаны бтемезлы трудлэн бадзым жутсконэныз вазиськыса ужало. Гожнинской МТС-лэн трактористэз Н. Ложкин эш нормая 4,6 гектар гырон интые быдэс'я 8 гектар. Со ужан сменаез кустын 47 килограммоз горючез шыр'я.

Панкратов эшлэн краснознаменной 4 №-ро бригадаез парез кыктэтйэз гырон борды кутскиз. Бригадаысь тракторист'ёс ваньзы ик нормазэс мултэсэн быдэс'яло. Тулыс ю кизён дыр'я бригада 700 килограмм горючез мултэс сутэмез вал. Ваньзэ сое восстановить карем бере 1,5 тонна горючез шыр'яз ни. Котыкудыз мултэс гырем гектар, котыкудыз шыр'ям 1 килограмм горючей луэ гитлеровский фашизмлы чурят пезьдэтэн.

Колхоз'ёсын али октон-калтон уж'ёслы дасяськонмынэ. Котыкудыз колхозник тырше, чтобы туэ арын удалтэм ю-нянез одйг тысьсэ но ыштытэк вакчи дырын но вылй зечлыккен октын-калтыны. Колхозник'ёс умой валало, что котыкудыз килограмм мултэс пиянь юнматэ асьмелэсь социалистической но общественной хозяйствомес, луэ чурят пезьдэтэн гитлеровской авантюралы.

Васин.

Редактор—В. Тимофеев.